

ЛЕНИНЭНЬ КИЯВА

ВЛКСМ-нь Мокшэрзянь обкомонь ды Саранскоень ошонь комитетэнь газетаст

АВГУСТОНЬ

24 чи,

1935 ие

№ 91 (440)

ЛКСМ

5-й по
числу 1935

Коммунистической Интернационалонь исполнительной комитетэнь пленумозо

Коминтернань исполкомонь генеральной секретарекс кочказь Г. Димитров ялгась.

Августонь 21-це чистэнь уль-несь Коммунистической Интернационалонь одс кочказь исполнительный комитетэнь васеньце пленум.

Пленумось вейкеть мельсэ кочкизе Димитров ялганть Коммунистической Интернационалонь Исполнительной Комитетэнь генеральной секретарекс.

Вейкеть мельсэ кочказь коминтернань исполкомонь секретариат: Димитров (генеральной секретарь), Эрколи, Мануильский, Пик, Куусинен, Марти, Готвальд. Секретариатонть кандидатокс кочказь: Москвин М. А. Флорин, Ван Мин.

КОМИНТЕРНАНЬ ИСПОЛКОМОНТЬ ЧЛЕНЭНЗЭ

Кочкавт Весемасторлангонь VII-це конгрессэ

1) Браудер, 2) Бронковский, 3) Ван-Мин, 4) Галлахер, 5) Гарланди, 6) Геккерт, 7) Готвальд, 8) Грин, 9) Де-Виссер, 10) Диас, 11) Димитриу, 12) Димитров, 13) Дюкло, 14) Ежов, 15) Жданов, 16) Ицикава, 17) Кашен, 18) Кейрос, 19) Келер, 20) Коларов, 21) Коплениг, 22) Кун, 23) Куусинен, 24) Ленский, 25) Миндерот, 26) Мануильский, 27) Мао Це-Дун, 28) Марти, 29) Москвин, 30) Окано, 31) Пик, 32) Поллит, 33) Прессес, 34) Раймонд, 35) Ракоши, 36) Сталин, 37) Степанов, 38) Тельман, 39) Торез, 40) Флорин, 41) Фотер, 42) Хайен, 43) Хабуд Салим, 44) Чан Го Тао, 45) Чо Эв-Ляй, 46) Эрколи.

Исполкомонь членэнь кандидатэ

1) Белевский, 2) Блас Рокка, 3) Бо-Гу, 4) Брэдлей, 5) Варга, 6) Гиольди, 7) Гопнер, 8) Горкич, 9) Далем, 10) Датт Пальм, 11) Дернбергер, 12) Долорес, 13) Жакмотт, 14) Запотоцкий, 15) Ков-Син, 16) Крумин, 17) Кэмпбелл, 18) Левлиен, 19) Лазовский, 20) Михел, 21) Попов, 22) Прухняк, 23) Схалкер, 24) Стойнов, 25) Туоминен, 26) Ульбрихт, 27) Форд, 28) Фрашон, 29) Фури, 30) Чемоданов, 31) Шаркей, 32) Шверма, 33) Широки.

Интернационалонь Контрольной Комиссиясь

1) Ангартис, 2) Анвелт, 3) Валеский, 4) Гжегожевский, 5) Денгель, 6) Искров, 7) Краевский, 8) Керриген, 9) Маджи, 10) Май Нор, 11) Монмусо, 12) Степандер, 13) Сирова, 14) Стасова, 15) Ту Хо-Син, 16) Ферли, 17) Цхакая, 18) Шкирятов, 19) Шмераль, 20) Эберлейн.

(ТАСС)

ВЕСЕМАСТОРАНГОНЬ ОД ЛОМАНЕНЬ XXI-це ЧИНТЕНЬ АНОКСТАМОСЬ

Весемасторлангонь од ломанень чинть лемсэ якстере обозт

Ичалкань р-н. Покш Сыреси велень комсомолонь организациясь „За социализм“ районной газетасонть сермадсь райононь комсомолонь весе организациятненень серма седе, штобу организовамс Весемасторлангонь од ломанень XXI-це чинть лемсэ якстере обозт.

Васняк якстере обоз организова-

вась сынсь. Усксть 150 центнерт. Сынст мельга организовасть якстере обозт Ламбаськен, Силщань, Вечкусовань ды лия велень комсомолонь организациятне. Весе-мезэ неть обозтнэс ускозь 600 центнерт суро. Обозонь организовамось нейкак моли.

Пыряев.

Политтонавтнеманть ловить сезонной тевекс

Кочкурово. Од-Тягловкань комсомолонь организациятненень овси а мейсэ тешкстамс Весемасторлангонь од ломанень чинть. Сын а ветить ко да мо а к анокстамо од ломанень те покш праздникентень. Тосо комсомолэцтнэнь политикас тонавтомас ды воспитания коряс роботамось

лоткась. Комсоргось Кильдюшкин тень лангс вань прок сезонной тев лангс.

21-це Весемасторлангонь од ломанень чинтень самс эряви парынестэ ладям политической ды воспитательной роботась од ломантнень юткс.

Ив. Франкель.

Советской од ломантне анокстыть Весемасторлангонь од ломанень чинтень

Сентябрянь 1-це чистэнь—Весемасторлангонь од ломанень XXI-це чи. Весе масторсонть моли од ломанень „праздникентень анокстамо-“

Киевэз сентябриянь 1-це чистэнь карми улеме весе ошонь гуляния карнавал, конаньсэ примить участия 50 тысяч ломанть.

Магнитогорской Весемасторлангонь од ломанень чистэнь теить физкультурной парад. Комсомолонь окружкомось ды осавиахимесь праздникентень аноксты 250 ворошиловской стрелокт-Металлургонь парконтень прыдови парашютной васенце вышкань теамась.

Воронежэз ютавтуть весе ошонь тейтертнень конференция.

Капнинской областэс зяряз районга комсомолэцтнэ Весемасторлангонь од ломанень чинтень казнекс организовасть суро ды лияназ марто якстере обозт.

Анокстыть Весемасторлангонь од ломанень чинтень

Атяшево. Селищань комсомолонь организациясонть Качалов ды Ашав комсомолэцтнэ умок уш кармасть анокстамо производственной каз-неть XXI-це Весемасторлангонь од ломанень чинтень.

Сын ударнасто роботась госу-дарства суронь ускомань обоз-сонть. Ней тиньге лангсо парсте организовать культурно-массовой роботанть, ловныть газетат, кни-гат, тейнить беседат.

Волжский.

Масторонь комсомолиясь—

Весемасторлангонь од ломанень чинтень

Весе Союзонть келес моли пек виез анокстамо весемасторлангонь од ломанень 21-це чинтень.

Пролетарской столицань ламо кемень тыщат комсомолэцт ды од ломанть пек покш мельсэ анок-стыть эсист праздникентень, вас-тыть эйсэзэ зяряз покш одс ушо-дозь тевсэ

Западной областень колхозтнэс ды совхозтнэс, молить од ломанень промкст ды конференцият весемасторлангонь од ломанень чинтень анокстамонть коряс. „Красный профинтерн“ Бежицкой заводсонть праздникентень анок-стамось моли истямо лозунгонь коряс: „Эрва рабочеентень ды работницантень средней образо-вания“. Заводсонть панжить кавто

средней школат.

Ярцевской текстильной завод-сонть 300 од работницат празд-никентень самс максить ГТО-нь зна-чок лангс нормат.

Комсомолэцтнэнь инициативаст ко-ряс фабрикасонть панжови хлоп-чато-бумажной техникумонь фи-лиал.

Уральскойс Гурьевской рыбо-консервной заводсонть организо-вать секте паро киштичань, дек-ломаторонь, морычань ды евни-чань конкурст. Комсомолэцтнэ ро-бочей ошкентень теисть озеленения, комбинатсонть строить военно-спор-тивной ошке, конаньсэ кар-мить улеме футбольной пакся, па-рашютной вышка ды лият.

РККА-нь рядтнэнь эйстэ срочной службань рядовой ды младшей начальствующей составонть кувака шкас отпуске нолдамо

СССР-нь оборонань народной комиссаронть 129 № приказозо
1935 иень августонь 19 чи, Москов ош.

1. Нолдамс РККА-нь рядтнэнь эйстэ срочной службань рядовой ды младшей начальствующей составонть кувать шкас отпуске, прок конат служизь непрерывной служ-бань аравтозь сроктнэнь:

а) 1933 иень призывень—службань 2 иень сроконь частьнэнь эйстэ;
б) 1932 иень призывень—служ-бань 3 иень сроконь частьнэнь эйстэ;

в) 1931 иень призывень—служ-бань 4 иень сроконь частьнэнь эйстэ;

г) 1934 иень призывень высшей образования марто ломаньтнень, 1933 иень призывень морской флотсто ломантнень, конат максызь запасонь средней начальствующей

составонть лемс испытаниятнень.

2. Нолдамонть ютавтомс:

а) сухопутной, воздушной ды морской вийтнень эйстэ те иень сентябриянь 25 чистэ саезь декаб-рянь 30 чинь шканть ютксто;

б) НКВД-нь пограничной внут-реней охранань войскатнень эйстэ—1935 иень ноябриянь 30 чинтень.

3. Приказонть яволявтомс весе ротатнева эскадронтнэва, батареят-нева, командатнева, отрядтнэва, дивизионтнэва, суднатнева ды эки-пажтнэва.

Основаниясь: обязательной воен-ной службадо закононь 40 статьясь.

СССР-нь Оборонань
Народной Комиссарось
К. ВОРОШИЛОВ

РККА-с очередной призывденть

СССР-нь Оборонань Народной
Комиссаронть
128 № приказозо

1935 иень августонь 19 чи, Москов ош

1. Тердемс Робоче-крестьянской Якстере армияс действительной военной службас те иень сентяб-рянь 1 чистэ саезь ноябриянь 1 чинть самс 1913 иестэ шадозь ды седе сыре шкань граждантиэнь, конатнень ютасть призывень отсро-чкаст.

Призывень точной сроктнэнь аравтомс военной округонь (ар-миянь) войскань командующейтне-нень.

2. 1905 иестэ шадозь гражданти-нэнь, конатнэненень икеле макс-зельт отсрочкат, призывенть эйстэ менстямс ды совавтомс 1 очере-дэнь запасс:

Основаниясь: обязательной воен-ной службадо закононь 131 статьясь

СССР-нь Оборонань
Народной Комиссарось.

К. ВОРОШИЛОВ

КИТАЕНЬ КОМСОМОЛОНТЪ ГЕРОИЗМАЗО

Син И-Тин ялганть валозо

(КИТАЙ)

Китаень комсомолонть рядтнэс ней ламо сядо тыщат члент, весе сынь закаленной бойсэ ды ули бороцямонь опытэст. Советской районтнэс минек вейке основной задачкас неень шкане ашти трудия од ломанень массатнень организовамось ды воспитаниясь, Якстере армиянь рядтнэс сынст таргамось, Якстере армиянь весе вийсэ лездемось, штобу сон изияволь фронтнэс. Якстере армиянь рядонзо кастомань коряс кампаниянь ютавомсто минек ульнесть зярря героической примернэк.

Хукоуской районсонть (Нинхуа уездсэнт, Фуцзен провинциясонть) 32 ломанть комсомолонь ячейкань 3 член марто совасть Якстере армиянь рядтнэс. Цинтанской районсонть, Богионской уездсэнт, 300 седе ламо од ломанть вейсэ комсомолонь секретаренть Ши-Ян-пин марто цела группасо совасть Якстере армиянь рядтнэс. Гуанчжанской районсонть, Шанхайской уездсэ, вейке комсомолка, кона бажась, штобу сонзэ мирдэзэ малевель Якстере армиянь мерсь тензэ: „Бути тонь ули мелеть теэмс минек эрямосонть радость ды часия, тон должен молеми Якстере армиянь, штобу маштомс врагтнэнь“. Ли-гуаньсэ вейке глуочемой эйкакш Чжу-Тян-шэн мимикасо ды эрва кода невтнэзэ знялдсь, штобу примавлизь Якстере армиянь рядтнэс.

Минь мобилизовинек од ломантнэнь „КИМ-енть лемсэ особой дивизиянь“ организовамо. 1933 иестэнт, зярдо появась те дивизиянь теэмань планось, ансяк вейке Дейфан районсонть, Боженской уездсэ, комсомолонь райкомось районсонть весе од ломантне ды покштнэ марто—весе мезэ 2000 ломанть совасть КИМ-енть лемсэ дивизиянтень. Од ломанень келей массатнень тердеманть коряс июнь ды июль ковтнэстэ те дивизиянтень ульнесть мобилизовазэ 7. 437 ломанть. Самай сон васенькекс сезизе гоминданонь котоце походонь кольцанть ды получась приветственной телеграмма ЦИК-ень председателенть Мао Изе—дуна ялганть пельде ды Якстере армиянь главно-командующеэнт Чжу Дэ ялганть пельде.

Минек Якстере армиясонть 50—60 процентнэ од ломанть, сынст эйстэ 33 процентнэ комсомолецт, сознательной, кеме боецт, конат способной ютавомс коть кодамо стаканть, конат аштит примерэкс Якстере армиянь весе од боецтнэнь. Якстере армиянь командной ды политической составонть ютксо истя жо аволь аламо комсомолецт невян зярряк эпизодт Кимовской дивизиянть бороцямостонзо.

Котоце походонь шкастонть Ли чуанонть, Гуанчанонть ды Нань фынанть маласо пек покш бойтнэс ансяк эщо теэзэ Кимовской дивизиясь ськамонзо саизе эсь лангозонзо задачанть лоткавомс наньфянанть ендэ эция гоминдановской войнаны 4 дивизиянтень истя, штобу Якстере армиянь главной вийтне могли успешно атаковамс неприятельской войскатне Личуань ды Гуанчан направленисонть. Командованиянт виде руководстванзо ды боецтнэнь героизмаст коряс дивизиясь, сень лангс апак ванно, што сон ульнест эщо аволь покш, цидярдсь 20 чить, тень кувалт самй неть бойтнэс изнясь минек армиясь.

Фулаушенть маласо пек виев боень шкастонть минек 15-це полкось кеместэ ванстась эсинзэ по-

зициянзо. Весе ротатнэс комсомольской организатортнэ пурнакшность комсомолонь вете минутань промкст, евтнэз полконт опера-тивной задачанзо ды фронтсо яв-шизь роботанть комсомолецтнэ юткова. Промкстнэде мейле сеске жо противниктнэ кармасть эцеме минек позициятне лангс. Бойсэнтэ стакасто ранязель 4-це ротань командирэс. Сестэ комсомолонь организаторсь Тю Жень тлу ялгась примизе командованиянь эсинзэ лангс ды мерсь боецтнэнь: „Минек комротась пек ранязь, мон примаса командованиянт. Минек армиясь—робоче-крестьянской Якстере армия, секс минь должны куломс, но а потамс“. Неть валтнэ марто сон ветизе ротанть, штык ды граната марто тейст контра-така. Те контратакасонть ульнесть маштоз ниленьгемнде ламо ломанть неприятель, саезь неприятель целла ротань винтовкат, ды неприятельсэ оргедсь. Оргедия врагонть мельга преследованиянь ветьямсто Лю ялгась ульнесть ранязь. Зярдо боецтнэ кармасть носилкань вешнеме, сон мерсь: „Мон аволь пек ранявинь, а эрвявить носилкат, апак лотксе эцеме икелем ды чаводо врагонть“. Неть валтнэс воодушевленной боецтнэ седеяк виевстэ кармасть эцеме ды допрок маштызь врагонть.

4-це Якстере армиянь комиссаронть комсомолецтнэ Чэн-Чаяхао ялганть сонзэ подвигензэ кувалт содасызь весе Китаенть келес. Мик гоминдановской печатесь сермадсь сеть военной операциятнеде, конатнэнь сон ветясь, прок „чудадо“.

Комсомолось Якстере армиясонть вети культурной покш работа. Эрва полконтонть ули клуб. Оймсе-ма шкасто тейнить выступления клубонь хоровой кружоктнэ, невянть революционной пьесат. Организовазь ленинкой уголок, конатнэсэ улит стеногазетат комсомолонь отдел марто.

Комсомолонть героической ро-

лезэ сех пек неяви од гвардия-стонть ды Якстере гвардиястонть. Од гвардиясь—пельс военной организация, таркава пек покш вооруженной вий ды Якстере армиянь резерва. Од гвардиясонть минь кастынек ламо кемень тыщат од боецт Якстере армиянтень.

Шпионажонть ды противниктнэнь разведкатне каршо бороцямонь коряс аволь а ламо работа советской покш районтнэсэ ветить пионертнэ. Советской районтнэсэ китне лангсо весе важной ютамо таркатнэс пой лангсо аштит пионерэнь группат ды проверякшныть ютыцянтень. Пионертнэ кувалт противникенть зярря разведчикт ды шпионт советской районтнэсэ эсть мене се чумондоманть эйстэ, конань сынь (шпионтнэ ды разведчиктнэ) заслужили. Пионертнэ эрва кода лездемось якстереармеецнэ семиянтнэнь. Лездемось скотинань ваномасо, Якстереармеецтнэнь фронтов кантлит чай, морсиль тест хоровой морот, ветнить разведка.

1933 иестэнт, се шкастонть, зярдо Шанхайсэ мольсь войнаны каршо ды фашистнэнь каршо конгресс, Шанхайской комсомолось Хуан-пу леент чиресэ организо-

вакшнось массовый митинг ды демонстрация, конаньсэ примасть участия зярря тыщат портовой робочейт ды студент. Зярдо кармась эцеме полициясь колмо комсомолецт апак пеле кузсть трибуна лангс ды тейст массатнень тердемань кортамо. Судсо сын апак пеле, пек кеместэ ванстась эсь праст ды лангс таргизь гоминданонть предательской политиканзо.

Но а кода меремс, што минек комсомолонть арасть асатыксэнзэ. Мон а карман гесэ кортамо минек асатыкстнэде, но зярряк валт евант комсомолонть сектантской ильведкстнэде, конат сех пек невтнэз эсь праст ошонь районтнэсэ. Неть ильведкстнэнь кувалт ошонь районтнэсэ минек организациятне лепштывозь пек тея рамкас. Тосо комсомолонь члентнэде ветекст седе аламо минек партиянь члентнэ коряс.

Китаень комсомолонть икелев историясь аравсь пек покш зада-чат. Минь кемдяно, што Китаень комсомолось КИМ-енть ды Кита-ень компартиянт ветьямост коряс топавтсынзе неть исторической задачатнэнь. (Цяпить.)

Гришин нилеце ков „витневти культроботанть“

Кочкуровань р-н. Сюрсонь урядомо шканть перть избачтнэнь пек покш роботахс ашти се, штобу паксяс колхозниктнэ ютксо ветямс культурной работа. Ташто Мурзань избачоськак Н. Гришин нилеце ков уш яла „аноксты“ кутьтебслуживаниянтень. Ловнома кудонть улит гармониязо, кавто патефононзо ды вейке грамофонозо. Кодамо паро улелель, бути сынст пачтамс паксянь станов. Гришин жо максынзе сынст кинень бути витнемс, ды нилеце ков яла учтни. Кемдяно, што сы иенть те

шкане сын анокт улит. Ловнома кудосонть ули радио. Но сонзэ кияк эзизе марсе. Гришин весе аппаратонть кирди шкапс. Сон колазэ, эйстэнзэ ламо пелькст емсест, салсизь. Улит ловнома кудосонть противогазткак. Сынгак а маштовить. Вообще, тосо ульнесть весе, мезе эрвась роботань ветьямонь кис, но Гришин сынст кирди истяк, колсевичинзе, емсевичинзе. Карми ли сон кисэст отвечамо?

Комсомолец.

Пав. БАТАЕВ.

ВАЛТ ДЫ ТЕВТЬ

II. „Лакированной“ Гулягин ды стенань газетатне

(Поладксозо. Ушодксозо 80 №-сэ).

Культурно-массовой роботанть ветьямонь „успехтнэнь“ евтнемстэ, комсоргось эссе юта вакска стенань газетань нолдамонткак Сон деликатнойстэ пурдызе кургонзо ды кармась кортамо. Колхозсонок, келя, колмо бригадат, эрва бригадасо лиси стенань газета. Седе башка, ули, кода мерить, общеколхозной стеногазетанок.

Радаев варштась налксия сельсэньзэ потококонт лангс ды, прок ловнозэ евтнэс: редакторокс арав тынек Хрипуновонь М. С. (васенце бригадас), Овчикин Андреень (омбоце бригадас) ды Асташкин Иванонь колмоцес.

Аламос аштезь минек комсоргось стакасто таргизе оймензэ ды валонть евтамодо икеле кувакасто уктасть. Сеске неявсь, што сонзэ аволь истя веселасто налксить сельмензэ, арасель пеедемань синсткеек чова турва уголсонзо ды кувака судозо сехте пек невтсь настроениянзо коламонт.

—Мезе теесв мартот, Андрей?.. —Вана.. ледсь мелезень мезе бути а парок.. Ну эво видьстэ меремс миненек кой кить мешить газетань нолдтнеме.

Седе тов, минь карминек содамо, што газетань нолдтнеме мешить аволь „кой кить“, но колхозонь

„начальствась сонсь. Тевесь вана мейсэ. Сайнино велесэнт партиянь организация арась. Улит ансяк кавто коммунист-одиночка: колхозонь председателесь Гулягин ды велень советонь председателесь Галкина. Тестэ чарькодеви, неть коммунистнэнь эрвяи лездемс колхозонь стенань газетатневень, максомс тест вадря руководства. Но тень таркас минь нейдянок вана мезе.

Аволь пек умок общеколхозной стеногазетасонть листнэс заметка Гулягиннэнь коряс, тосо кортавель, што Гулягин, прок колхозонь председатель, а ваны колхозсонть сюронь урядамосонть асатыкстнэнь лангс. Сень кисэ, штобу молеми паксяв, евтамс тоск бригадиртнэнь ды колхозниктнэнеяк, сон седесть яви Дубенкав, косто свал сакшны пек иредьстэ. Заметканть лисемадонзо мейле Сайниносо кош-тоськак сеске лиякстомсь. Сонзэ, те коштовть эйсэ ламонень стака кармась лексемскак. Кинь ансяк неи колхозонь а токсевича „тузось“ стенань газетанть ваксто, кройси эйсэнзэ кода машты: тон келя, монь коряс сермадыть, тонеть, тейни, тень кис понгяк.

Сехте ламо сатотсь, нама редакторонть ды редколегиянь члентнэнь туртов. Онень сон эрямо-

чист саинзе, дескать, тынь, мло косост, смеятадо монь авторитетом емавтомо.

Аместь кортамскак, што те „лакированной“ коммунистэс критикань ды самокритикань лепштиясь сь калавтызе стеногазетатнэнь роботахс. Сынст эйсэ ней а неят алкуксонь шумбра критика марто заметкат келест „чевте“, [конкретной] чумотнэнь фамилият газетатнэнь материалтнэсэ седесть арасть.

Астак ведь редактортнэ стеногазетань роботанть вадрялгавтоманзо коряс васняк кевкстнэть можна ли печатамс заметкат велень руководителнтень киваст. А то, келя, минек сын пек уш а вечксызь те тевенть. Истя евтни колмоце бригадань газетанть редакторсь Асташкин ялгась, истя кортыть остаткатнеяк.

Кадовкшны ансяк кевкстемс, мезе ваны комсомолонь организациясь „лакированной“ Гулягиннэнь лангс, мекс бу а пачтамс сонзэ кувалт ков эрвяи? Меельс пелев, мекс Дубенкав районной организациятне зярс а варштыть критикань ды самокритикань калмицатнэнь лангс?

Эрваволь бу уш умок!
(Потэ сы №-сэ)

Кода Староверов нарьги эйкак- штнэнь лангсо

Мокшэрзянь республикань потребсоюзонть ули эйкакшонь сад, конань эйсэ воспитываются 50 дош кольникт. Но вана потребсоюзонь председателенть Староверовонь мельс эзь туге те садось ды сон зярыя шкань перть эрва кода снартнесь ды снартни пекстамс сонзэ.

Эйкакшонь садонть помещенианть эряви теамс покш витема. Староверов эзь теевте. Учебной пособиянь ды налксемань рамамс средстват эзь нолда. Сонзэ кувалт жо эйкакштнэнь а макстнить эрвикс питания. Староверовонь мелензэ коряс те иень январь ковстонть потребсоюзонть теезель решения пекстамс эйкакшонь садонть, ярасмо пель а нолдамс, весе оборудованианть максомс завхозонтень. Но эйкакшонь садонь заведующеесь Тулава ялгась эссе кадо садонть пекстамс. Сон работась... Ярасмо пель жо Староверов эзь нолдтне, савсь эрва кода майсемс тень кувалт.

Ютасть кавто недлят, Староверов таго пекстыксэлизе садонть Сон ней кортась, што помещениась а маштови. Кучсь отношения наркомпросов, штобу тосо меревельть—помещениась алкукс а маштови ды сестэ сон, Староверов, пекставлизе бу. Сонзэ политиказо ульнесь истямо, штобу менемс эйкакшонь садонть эйстэ, а ютавомс лишной средстват, илязо уле тензэ лишной мелявкс ды садонь помещенианть максомс служащинеень квартиракс. Но пекстамс тензэ садось таго эзь саво. Борочимоськак эзь прыдово. Староверовонь мереманзо коряс, хозяйственникесь Радаев яволятсь: Минь тейсынек истя, што сынсь тетятне-аватне а кармить тей эйкакшост тукшномо.

Ды мезе жо? ули истямо правила, штобу эйкакшонь садсо воспитанианть кис эрвикс средстватнень эйстэ ансяк 25% улест саезь тетятне-аватне пельде. Но потребсоюзсо кармасть саеме 50 процентт. Тень кувалткак тест садось эзь пекставо.

Мейле мольсь садонтень потребсоюзонь секретаресь Буданов ды мерсь: вейке групповой компананть максомс шофернэнь квартиракс. Те шканть комнатась пекстазель панжомас. Садонь-заведующеесь мерсь, што а макссы. Буданов эйкакштнэ ютксо эрва кодамо валсо кармасть пижнеме ды мерсь, што минь панжоманть тапасынек, ито сайсынек те комнотанть. Но эзь пекставотест. Мейле сын эйкакшонь садонть ертызь питаниясто, централизованной снабжениясто.

Кие жо макссь прават Староверовнэнь ды сонзэ „подсобниктнэнь“ нарьгамс эйкакштнэ лангсо, сеземс дошкольной воспитанианть? Зярдэ жо сынсь прыдсызь неть безобразияст ды зярдэ эйкакшонь садонтень макссызь весе условиянень, конат эрвать парсте роботамонь кис?

Северная.

Соды арась теде правлениясь?

Кочкурово. „Труженик“ колхозонь 5-це бригадасо (бригадиресь Кильдюшкин) ковгак а маштовикс качества коряс урядасть 116 гектарт розть. Те участканть келес кадонть ламо колозт, уголтнэсь ды петньесэ колозтнэ апак ледть.

Качествань примиция комиссиянть эряви кармавтомс одов участканть урядамой

П—ки.
Н—ов.

С О Ю З Н О И Т Е М А Т

Райкомось стувтокшнызе активной организациянть

Торбеевань район. Комсомолонь райкомось пек беряньстэ содасынзе первичной организациянть ды жия комсомолецтнэнь, а макстни тест эрвикс лездемо. Пек беряньстэ аравтозь учетось. Ламо „кулозь ойметнеде“ райкомось а соды. Ве шкасто райпотребсоюзонь комсомолонь организациясь ульнесь пек активной, работаськак парсте. Но сонзэ райкомось овси стувтокшнызе, тов райкомосто кияк а як и л я, организациястонть как а райкомонь бюров, а ков эсть тердтне... Нирькинесть меремс, лиссь истя, што буге райпотребсоюзонть комсомолонь организация эзь ульнесь.

Весе теде мейле организациясонтькак работась кармакшнось каладомо. Ды бути личной карточкатне проверясто те организаци-

я а аволь леде райкомовецтнэ мельс, то сон овси каладоволь. Ней ЦК нь XI-це пленумонь решениятнеде мейле тосо кармасть ютавомо политтонавтнема. Кружоконть руководителькс аравтсь од тейтерь—Курикинэнь, кона вадрясто аравтызе политкружоконть роботанзо. Тешкстасть ютавомс од тейтерь-авань промкс, ютавтсь несоюзной од ломанень промкс. Курок организовать якстере уголок ды эсь квалификациянь келедемась коряс кружок.

Райкомонтень эряви кармамс те организациянть лездемо, а стувтомс таго сонзэ ды а кадомс каладомо. Эряви содамс эсь организациянть ды активной комсомолецтнэнь.

Кин.

Организациясь живиясь

ВЛКСМ-ень ЦК-ань XI-це пленумонть решениянзо коряс комсомолонь зярыя организацият тейсть уш васень успех внутрисоюзной, воспитательной роботанть ды политтонавтнеманть парсте аравтомасонть.

Пленумонть решениятнень проработкадонть мейле Тат-Юнки велень комсомолонь организацияськак (Торбеевань район) кармасть эсь роботанзо допрок одкс тееме. Икеле тосо овси арасель политтонавтнема. Ней роботы политкружок, козонь якить весе комсомолецтнэ ды истя жо аволь союзной од ломанть. Тонавнтнь Карпинскоень учебникенть коряс Парсте анокстакшныть эрва зянятиянть, макстнить вопрос, кор-

тыть, весе бажить чаркодемс стака таркатнень.

Кармасть витевеме внутрисоюзной работаськак. Эрва промксонть кортавнтнь интересной вопрос, кассь комсомолецтнэнь активност, кемелгадсь дисциплинась. Комсомолецтнэ ветить работа несоюзной од ломантнень ды тейтертнень ютксо. Зярыя ломанть макссть уш заявления комсомолс совамо.

Комсомолецтнэ кеместэ кундасть ВЛКСМ-ень ЦК-ань XI-це пленумонть решениянзо топавтомо ды эряви кемемс, што бути кармит тест лездемо райкомось, сынсь эсь роботасост теить вадря успех.

Кин.

Буянкин яла кортась...

Кучкурово. р-н. ВЛКСМ-ень райкомсто О.И. Тягловка велель якась инструктор Буянкин ялгадсь сень кис, штобу тосонь комсомолецтнэнь ды од ломантнень ютксо проработать ВЛКСМ-ень ЦК-ань XI-це пленумонть решениянзо.

Мезе жо лиссь? Кавто чить яла пурнасть ды ютавтсь промксонть эйсэ Комсоргось Кильдюшкин оргодсь, тукшность лия комсомолецтнэнь. Аволь союзной од ломанть промксонть эсть тердекшне. Тейксэлиз проработканть салавань тевокс.

Кадовсь Буянкин промксонть ськамонзо ды сон яла кортась. Сон решениянть проработканть эзь путо эрвикс мель, ютавтызе те теветь формально. Комсоргось Кильдюшкин эсь теветнэ кис овси а мелявты. Сонензэ решениятне эсть эрва. Сынст кувалт а соды вейкеяк комсомолецтнэ. Кияк эзинзе чаркоде XI-це пленумонть решениятнень пек покш значенияст. Пленумонть решениянзо коряс комсомолонь роботанть одкс теаманзо кис райкомось сонсь как кода эряви а мелявты.

Кода икеле истя жо найгак. Од Тягловкань комсомолонь организациясонть арась внутрисоюзной, воспитательной работа, овси арась од тейтерьтне ютксо работа, арась политтонавтнемак.

Месть жо кармить улеме седе тов? Бути а ютавтыть решениянень одс проработка, бути сынст а чаркодсь комсомолецтнэ, сестэ а месть кортамс роботанть одкс темадо.

Мих. Каф.

МИНЕК ЮНКОРТНЭ СЕРМАДЫТЬ

Болотин колхозник эли аволь?

Ульнесь 1935 иень апрель ков. Кувать кавтолдомадо мейле Болотин Григорий макссь яволявкс колхозов. Макссь яволявкс ды весе стувтовсь яволявксось, а стувтовомскак а кода, а ламо ли эрва чистэ сон сермали эрва кодат яволявкс. Болотин эри Чамзинкань районсо, Мокшалай велесэ активист вельсоветэнь секретарь. А карматано кортнеме седе, мезе сонзэ кармавтызе колхозов совамо седейс а соватано. Мердяно кеместэ ды видьстэ—апрель ковсто саезь Болотин колхозник. Сонзэ примизь эсист юткс вейсэнь промкссо, колхозниктнэ. Кода а примамс, велень омбоце прят, председателенть „вить кездез“ но...

Болотин стувтызе колхозонь ды сетнень, конат сонзэ ве мельсэ примизь эсист юткс. Тунда мольсь вельсоветэнь колхозник ды мерсь: — Григорий.

— Мезе?—кевкстсь председателень „вить кездез“.

— Ярвой видьмест эрвать тонь пельде, истя решинекек примамсто.

— Видьнесть. А максан.

— А максат, олясь тонть, но истя аволь честна.

Колхозникесь лиссь вельсоветстэ. Аволь аламо шкань ютазь Болотиннэнь совась омбоце колхозник.

— Гриша Лишмень сбруять максавлик бу...

— Ков?

— Тов ков примидизь. Тон колхозникат.

— Колхозникан эль аволь, монень яла теке. Сбруй а максан.

— Эщо аволь умок совась колмоце колхозник ды мерсь.

— Болотин ялгай, тон колхозникат, козикат виев. Мейсь жо роботамо а яки? Вейкеяк трудочизь арась.

— Те аволь тонь теветсь. Козикам эйсь аволь тон андат? Арась. Азе лись.

Кортамотне прыдовсь? Арась сын эщо эсть прыдово. Колхозонтень ды вельсоветэнтень эрви эщо кортнемс Болотин марто эли сонстемензэ ды евамс миненек сон колхозник эли аволь?

Подпись.

Валост эзь яовт тевстэнтъ

Ардатово. Ошсонть активист комсомолецтнэ эсист промкссо тейнесть решения:—„Путь Ильича“ колхозонтень урядамс 10 гектарт суро.

Те решениянть сын топавтызь. Пурнасть 10 гектарт лездез чиявска. Сехте парсте роботасть Маруся Юрына, Талычкина Надя ды лиятне.

Ал. Фокин.

Тонавтнема од иесъ сезевема лангсо

Ардатово. Апак вано сень лангс, што тонавтнемань иентень кадовсь ловозь чить, яла теке районсонть улить ламо вельсоветт, конатне пек лавшосто ютавтыть школатнень ремонтонть.

Чукалонь вельсоветэнь Ермава поселкасонть, примеркс, школанть строямо кармасть, кода мик 1934 иестэ. Но сонзэ строямось малавгак апак прядт. Ды бути ютазь читнень ладсо кармить роботамо нейгак, то сон од тонавтнема иентень а карми улеме анок. Колхозонь председателесь Кипайкин ды вельсоветэнь председателесь лабор домандонть башка овси местькак а тейнить. Сын те теветь бойкасто топавтоманть эзизь мобилизова вельсоветэнь од депутатнэнь.

Аволь седе парсте ашти теветсь Безводноень начальной школанть ремонтонть теамасонтькак. Тонзонь эрвить теамс 35 партат, но тейсть ансяк 15. Остаткак 20 партань теаманть жо лоткавтызь овси. Телентень пенггат эсть анокста вейкеяк кубометра. Пешькатне ды галанкатне а маштовить.

Остаткак шкастонть эрви мобилизовамс весе общественностенть сенень, штобу а кадомс од тонавтнема иентень анокстамонь сезевеманть. Эрви анокстамс весе сень, мезе эрви од тонавтнема иенть уставамонтень.

А. Фом.

Парсте организовамс ишнй микшниця магазинтнэнь ды ларектиэнь роботаст

Кочкуровань районсто велькортнэ пачтит куля, што кшнй микшниця магазинтнэнь роботаст ладязь беряньстэ. Сабаета велень Киров лемсэ промартельстэ Рамиця велькорось сермады, што ларе конть культурнойкс теаманзо кис мелявтом арась. Парекось апак шля, стенатне пулейть, занавест арась. Вестнэ апак клейма, гираст кирпецть. Микшниця—Светкин ламоксть кортась артинень, предсдателентень Куслинень, штобу рамамс вест ды теамс лареконть культурнойкс, но Куслин тень коряс мезеяк эзь тее.

Воеводскоень заготконторасо кшнй микшнемань ларектонт Корьмин велькорось сермады, што ларекось эрси апак шля, кшнй вельямонь занавест арась, кшнй рудазов микшницянь лангсо халат арась. Столовойсэнь кшнй истяжо берянь.

А Торс велькорось сермады, што Кочкуровасо кшнй магазинаонть микшниця Бычков тейне недовескат, а максни целанек здачатс ды кшнй так нолды записка ланг.

Сынесть яла теке...

Ардаговань Партийной ды комсомольской райактивесь парсте содасы комсомолетнэнь политонавтнематонть ВЛКСМ-нь ЦЕ-нть постановлениязо.

Сонзо тапавтоманть кис комсомолонь райактивентень тонавтнемем "организоваст" партиянь историйзо тонавтнемань кружек. Но те кружекось весткак эшо эзь работа паро ладсо.

Примеркс, августонь 20-це чистэ кружеконтень эриволь роботамс. Кулоньцятне пуромкшность малав весе. Но 2 частт учомадонть мейле сынн тукшность кудова. Ды секс, што эсть яка лекциянь ловныцятне парткабинетень заведующеесь Столбоушкин ды Аринькин.

Сынесть яла теке, коть кодат постановленият иляст уле.

А. Фомин.

Арась заведующей

Ромоданово. Пушкинань вельсоветэнь Заречной поселкань начальнй школасонть арась заведующей.

Районось теде соды, но заведующей те шкас эзь аравто.

Тень эйстэ эривй ловомс сень, што тосо од тонавтнема иентень анокстамоськак а моли. Од вий.

Виензыть государств сюронь ускоманть

КОЧКУРОВАНЬ РАЙОН. Пакся Тавлань колхозось виевстэ ютавы пивсэманть. Пивсэмась моли 2 сме-насо. Теде башка государствав сюронть истяжо ускить апак лотксе. Ускозь уш 96 центнерт

ПЦТЕРЕБ.

Комсомолонь райкомось мелявты

КОЧКУРОВО. Сюронь анокстамо таркасонть колхозниктнэнь ютксо заготзернонь роботниктэ эсть организова массовой работа. Тосо арась мик лозунгт, плакатат, арась лаз, косо-бу можна неемс, кодамо колхоз моли икелев ды удалов сюронь ускомасонть. Огнгазетань нолдамо кияк а арсияк. Истяжо арась газетат, книгат.

Тень кис а мелявты комсомолонь райкомоськак.

МИХ-КАФ.

СОВЕТЭНЬ СОЮЗГАНТЬ

ТАСС-онь представителентень Москва—Северной полюс Сан-Франциско ливтямонтъ 1936 иес кадомадо

О. Ю. Шмидт ялганть яволявтомасо

Москва—Северный полюс—Сан-Франциско маршрутонтъ коряс Ливаневской ялганть апак лотксе одов ливтямонь сруктонть ТАСС-онь представителентъ вопросонзо лангс О. Ю. Шмидт ялгась яволявты:

Августонь 3-це чистэ эсинзэ ливтямо шкастонть, Ливаневский ялгась пачколось Баренцовой иневденътень, кода содатано, сон велявты мекев моторонтъ покш оборотнэде оень емавтнеманть появамодо мейле. Парсте валгсь Ленинградской областс. Ливаневской ялгась августонть 6-це чистэ ливтясь Московов. Технической экспертизась, конась ваннйзе самолетонтъ, тешкытась самолетсонть конструктивной дефектэнь аразь чинть, яла теке мусь маслопроводкань системанть роботасонзо койкодот асатыкст. Комиссиясь кемекстызе „СССР—025“ самолетонть экипажонтъ роботамонь виде чинзэ, конась лоткавтызе эсинзэ ливтямонзо. ЦАГИ сь аволь ламо чинь ютазь маштызе асатыкстнэнь маслопроводкастонть, конадо мейле Ливаневский ялгась тейсь аволь вейке паро пробной ливтямот.

Апак лотксе мольсть СССР-нть ды Американь погодатнэнь мельга следиямотне. Неть погодатне ды сынст эйстэ погодань неявиця предсказаниятне эсть макстне возможность те шкас одкетомтомс истямо ответственной ливтямонтъ. Текень марто, августонь куншка видкысэ ашти предельной срокоск полюсонть трокс ливтямонтень. Сексь шкась сесте аволь паро ливтнемань авиациянтень вообще, истямо

ливтямонтень жо в особенности чинть мельга пек точной наблюдений, штобу содамс самолетонтъ аштема таркань ды кирдемс виде курс.

Эривй истяжо кирдемс мельсэ, што августонь меельсэ читнестэ чись полярной районсонть ашти пек уш алкинестэ горизонтонь мелькысэ ды эль сь полярной весь. Алкине чистэнь ды северсэ эриця покш рефракциянь марто (лучтнэнь преломлениянь эйстэ чинть положениянзо колавомась) астрономической наблюдениятне тейневкшновить аволь точнойт, седейстэ жо аволь возможнойкскат. Теке марто, полюсонь районсонть ливтямонь, косо нельзя пользовамс магнитной компасонть, вешить

Единственной решениясь, конань савсь минек примамс, те—лоткавтомс Ливаневской ялганть ливтямонзо 1936 иень кизэнь самс.

Минек трасарктической ливтямонтъ карматано, кода пек эривикс научной ды практической задачанть, конань кеместэ арсияно теамс. Минь, яла теке, а нолдатано эрива кодат рекордсменстванть ды сенсациянтень бажамотнень, Арктиканть парсте тонавтнеманзо кувалгавтозь, минек полярной авиациянь роботанзо, теке марто Ливаневской ялганть ливтямонзояк тонавтнэнь, минь апак кавтолдо кундатано Москва—Северный полюс—Сан Франциско трансарктической перелетонтъ сыця 1936 иестэнь эривомс ютавтоманть.

Тонавтиять конгрессэнь материалонзо

Пек парсте вансты коминтернань VII-це конгрессэнь роботанзо мельга Сталин лемсэ автозаводонь (Москов) рабочейтне. Докладтнэнь ды конгрессэнь делегатнэнь кортамост обидамонь перерывстэ толковаст цехтнэва. Маласо читнестэ партийной просвещениянь сетьсэнь ушодови конгрессэнь материальтнэнь детальной тонавтнема. „Якстере треугольникень“ (Ленинград) 30 тыщат рабочеень ды работницань коллективесь ней

пек покш мельсэ толкови коминтернань 7-це конгрессэнь материалонзо. 150 пропагандист беседчикт ды агитаторт, конатнэнь явтынзе парткомось, эрива чистэ обидамонь шкасто ютавтиять докладтнэнь ды кой кода делегатнэнь кортамост ловнома. Рабочейтне пек покш мельсэ тонавтиять конгрессэнь материалонзо. Сынн макстнэнь агитатортнэнь зярива эрива кодат вопрос.

ГРАНИЦАНЬ ТОМБАЛЕ

Германиясо антифашистской движениясь

Чарльстонсо (США) 300 до ламо скупав фермерт, конат ульнест во оруженнойт револьверсэ ды ружиясо, пансестэ велень хозяйствань 150 бастовиця рабочейт. Бастовицятне вешить роботань кис питнэнь кастома. Ней рабочейтне поллучить ансяк 30 цент. часонть, ютась иенть жо поллучить 60 цент.

Бордос (Франция) ульнест чрезвычайной декретнэнь каршо молемань митинг, конань эйс пурнавкшность зярива тыщат ломанть. Нарбоинесэ (Франциянь обед енкс) весе антифашистской организациянь представительтне тейстэ соглашения чрезвычайной декретнэнь каршо бороцямодонтъ.

Афины, 21 „Ризоспастис“ газетась пачти куля, што августонь 20-це чистэнь Афинсэ ульнест антифашистской единой фронтонь организацияной промкс. Эйсинзэ ульнест 200 до ламо делегатт сеть организациятне пельде, конатнес пурнавозь рабочейт, служащейт, ученнойт ды интелегент, вободной профессиянь роботникт. Кочказь единой фронтонтъ единой

фронт.

Барлин, 22. Коминтернань VII-це конгрессэнь пекстамодо мейле Германиянь печатсэньт кепететсь антисоветской од кампания. Газетатне а брезгивить СССР-нть каршо эрива кодамо кенгеламотнеде ды лавгамотнеде. Таго одов нолдгити кулят СССР-сэ вачо-чиденть, теке марто „Фелькишер Беобахтер“ газетась сермады мик седе, што буюто Башкириясо весе эрицятне вачодо кулсест. Таго одов нолдасть кенгелямонь евкс советской депингтэнь. Печатыть провокационной кулят „Димитров ялганть маштомо снартнемадо“. Штобу анти-советской кенгелематнесэ саемс васенце тарка, „Нидер Дейчер Беобахтер“ газетась Северной Китайсэ английской журналистэнь Джонсонь маштоманть кисяк чумонды... Московонть.

Эривй тешкстамс, што антисоветской кампаниянтень совась юстициянь министерэськак—Франк, кода конгрессэнь трибунанть уголовной правань коряс тевс нолдызе Советэнь Союзонть лангс пек кежейстэ кайсевемань кис.

II-це Интернационалонь исполкомонтъ сессиясонзо

Франциянь социалистической партиянь „Попюлер“ газетась пачти куля, што II-це Интернационалонь исполкомонтъ заседаниясонзо Франциянь секциясь лиякс меремс Франциянь социалистической партиянь представительтне) „мерсь исполкомонтъ чинь порядказонзо аравтомс вопрос II-це Интернационалонть ды Коминтернанть ютксо контактонтъ теемадо, сень кис,

штобу кормавтомс весе масторлангсонть войнань, фашизманть каршо бороцямонь ды демократической оля-чинть ванстоманть коряс вейсэнъ действиянь условиянтень кортавтоманть кис. Исполкомось решизе кортавтомс те вопросонтъ эсинзэ маласо сессиясонзо.

Германия марто Итальянской договоронь проектэсь

БЕРЛИН. Дипломатической кругтнэсэ кармасть марявомо сведенийт, што Итальянской правительствась Берлинсэ арси теамс 10 иес Итало-Германской договор вейке вейке лангс а кайсевемадо. Те договоронтъ коряс Германиясь должен максомс обязательства сень кувалт, штобу сонензэ а човоргалемс, бути карми улема, Итало-Абиссинской войнастонть. Эсинзэ пельде Италиясь анок Германиянтень теамс уступкат южной тиролень вопросонтъ.

Самодо мейле, сон сеске тусь лия мастор марто тевень ветямонь министерстванть, косо сон кувать кортнесь Станс-секретаренть Фон-Бюловым марто, конась роботы отпусксо Нейрат министерэнь таркас.

Германиясо сельско-хозяйственной рабочейтнэнь каршо аравтовт тевть

Велень хозяйствань рабочейтнэнь асатыкс-чуст кувалт Германиянь властнэ нолдасть распоряжения седе, штобу кеместэ бороцямс велень-хозяйствань рабочейтнэнь азорост эйстэ туемаст каршо. Секс шкастонть-жо тешкытть, што неть таркатнесэ, косо асаты урожаенть урядомосе рабочей виесь, мерезь роботавтомс трудовой повинностень лагерьтнесэ аштицятнэнь.

Ответ. редакторонтъ кис
Ф. БУРТАЕВ.

Главдлите № 1282.

Заказ № 2445.

Тираж 2237.

г. Саранск Типография „Красный Октябрь“ Мордгиза